

suam regendam et ordinandam commisit, ut ecclesias dei et earum iura tanto propensiori studio muniremus et in aliquo lesa restituere et reformare certe curemus^a, quanto per earum merita in eterna vita maiorem gloriam nobis provenire speramus et credimus. Nos ergo misericordie operibus et iustitie inherentes, notum facimus omnibus imperii fidelibus presentibus et futuris, quod dilectus noster Attinulfus venerabilis prepositus Aretine ecclesie, aput sanctum Genesium¹ ad nos veniens, plurimas nobis querelas deposuit, quas intuitu retributionis eterne et eius preclaris servitiis, fide et puritate, quam circa thronum imperatorie maiestatis fideliter habuit, intercedentibus et ex sententia iudicum curie nostre terminandas esse dignum et equum duximus. Ex sententia igitur iudicum curie nostre pro contumacia Camaldulensium, qui tertio a serenissimo imperatore nostro vocati et ab eius principe Aretino episcopo sepe commoniti qui^a ad iustitiam faciendam de Moiona venire contempserunt, auctoritate imperiali et nostra posuimus dilectum nostrum Aretinum prepositum in possessionem de Moiona, ut ipse habeat et de cetero suo iure possideat. Pro contumacia vero Ugonis de Ugitto, qui tertio a nobis vocatus pro turri de Subiano iudicio nostro stare contempsit, posuimus iamdictum prepositum in possessionem de turri de Subiano, quam violenter occupaverat. Quia vero filii Alberti de Capannolo contumaces permanserunt, nam vocati nostro iudicio stare contempserunt de turri de Vincione, castro et curte, posuimus prefatum prepositum in possessionem de turri de Vincione, castro et curte. Pro contumacia vero Walfreducci Saxoli, qui vocatus ad iustitiam faciendam de Durnula nostro iudicio stare contempsit, posuimus suprascriptum prepositum in possessionem de Durnula. Rogerius quoque de Manisco quia contumax extitit et vocatus nostro iudicio stare de campo quodam posito in Piunta contempsit, posuimus suprascriptum prepositum in possessionem de campo illo posito in Piunta. Ut^b iamdictus prepositus cum fratribus suis vice sue ecclesie auctoritate imperiali et nostra habeat et de cetero suo et ecclesie iure possideat omnia ea, de quibus ei possessionem dedimus et restitutionem fecimus, sicut in

a) Sic. b) Man erwartet: *Mandamus igitur, ut.*

1) Einen zweiten Tag hielt Christian 1165 an demselben Orte, als Erwählter von Mainz und Erzkanzler, d. h. nicht vor October. Ficker. Forschgen. zur Reichs- und Rechtsgesch. Italiens IV, 182.